

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1350 del 24/05/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 24 de mé vegn fora la puntata #487 del program ladin per la televizion

[Ladino] Ence chesta setemèna l é a la leta l nef appuntament de “Pedies”, rotocalch ladin de informazion, ruà a la puntata n. 487. I argomenc de chesta setemèna. L Fascia Balon à endrezà na festa con duc chi che à a cher la sociazion, n moment per esser na comunanza duc chenc leé dal jech al balon. Te chesta ocazion l President onorarie Walter Ghetta, che con gran gaissa l é stat a cef de la sociazion 35 egn alalongia, l ge à passà la bala al nef President Pier Paolo Trottnner.

L invern che vegn, dai 6 ai 22 de firé l é la Olimpiades Milan Cortina 2026, con garejèdes ence te Fiem. A Moena l é stat na scontrèda per tor dant duta la costions che revèrda la segurezza de chest aveniment mondièl col Comitat Provinzièl per l Orden e la Segurezza, con ite l Comissèr del Goern Giuseppe Petronzi, la Finanza, la forzes del orden, la Fondazione Milano-Cortina e ence i Ombolc de Moena, Pardac e Tieser. Te la rubrica “Lesc: cuchèr te ogne piz e cianton” sion jic a Ciampedel, paisc doventà da la metà del 1500 l più emportant de la Val de sora, ajache l era doventà curazia, e sia geja la tolea ite dut l raion da Fontanac enfin ta Penìa. Te chesta puntata cognoscion l Picol Cartier de Ciampedel, n cianton rich de storia e de fac curiosc conté da Christian Bernard e Raffaele Rizzi.

I report de chesta setemèna, enjigné da Riccardo Zanoner e Angela Pederiva, i vegn porté dant co la ousc de Angela Pederiva.

Metù a jir col sostegn del Comun General de Fascia, de la Provincia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 de TN- vigni sabeda da les 18.00 (sie da sera), de domenìa da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenìa da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevizionLadina>

Traduzion di Servijes Linguistics e Culturèi del Comun general de Fascia

(cdt)